

O 1 de maio de 2024 ten entrada neste centro directivo un escrito da Dirección da Axencia Tributaria de Galicia (en diante, Atriga), da Consellería de Facenda e Administración Pública, no que se solicita o informe preceptivo desta dirección xeral en relación cunha proposta de modificación da relación de postos de traballo (en diante, RPT) da devandita Axencia.

A proposta de modificación acompáñase da seguinte documentación:

- Memoria funcional
- Memoria económica
- RPT proposta
- Anexo postos amortizados
- Anexo postos creados
- Acta de reunión coas organizacións sindicais

Atendendo á solicitude formulada, así como en cumprimento do disposto no artigo 42.7 da Lei 16/2010, do 17 de decembro, de organización e funcionamento da Administración xeral e do sector público autonómico, en concordancia co artigo 14 do Decreto 141/2024, do 20 de maio, polo que se establece a estrutura orgánica da Consellería de Facenda e Administración Pública, desde a Dirección Xeral de Simplificación Administrativa e do Patrimonio (en diante, DXSAP) emítase o seguinte

## INFORME

### PRIMEIRO. Fundamentos xurídicos

As modificacións propostas relativas a postos de traballo de persoal funcionario da Axencia Tributaria de Galicia están baseadas no establecido nos artigo 60 da Lei 7/2022, do 27 de decembro, de medidas fiscais e administrativas, que establece a asunción progresiva, por parte da Axencia Tributaria de Galicia, das funcións de recadación en período executivo en vía de constrinximento desempeñadas ata o momento da entrada en vigor deste artigo polas zonas de recadación reguladas no artigo 46.3 da Lei 11/1996, do 30 de decembro, de orzamentos xerais da Comunidade Autónoma de Galicia para o ano 1997. Esta asunción producirase a medida que os titulares das zonas se xubilen ou



cesen por algunha das causas previstas na súa normativa, e en todo caso, a partir do 1 de xaneiro de 2026.

## SEGUNDO. Obxecto

A proposta de modificación de RPT que se somete ao informe da DXSAP, en síntese, realízase polos seguintes motivos:

- Asumir a actividade da Zona de Recadación de Vigo.
- Reforzar os órganos de xestión tributaria das delegacións de Lugo e Ourense.
- Modificar a forma de provisión de dúas prazas, modificar varias denominacións e eliminar unha observación.

## TERCEIRO. Proposta

As principais cuestións a destacar da proposta que se informa son as seguintes:

- Creacións de cinco postos de traballo de persoal funcionario:
  - Creación de tres postos de traballo na Delegación da Atriga en Vigo:

CENTRO DE DESTINO: DELEGACIÓN DE VIGO								
CÓDIGO DE POSTO	DENOMINACIÓN	GR.	NIV.	F. PRO	CAT./ CORPO	ADS. ADMIN	ÁREA FUNCIONAL	LIÑA
FC.A29.10.000.36560.011	Xefatura Negociado Administrativo I	A2C1C2	18	C	XERAL	AXG	TRI	3659
FC.A29.10.000.36560.260	Xefatura de Equipo	A1A2	25	C	XMFI/ XSF1	AXG		2571
FC.A29.10.000.36560.267	Xefatura Negociado Administrativo III	A2C1C2	18	C	XERAL	AXG	TRI	3659

Como consecuencia do disposto no artigo 60 da Lei 7/2022, do 27 de decembro, a zona de recadación de Vigo quedará suprimida o 6 de setembro de 2024 por cesamento do seu recadador ao facer setenta anos nesa data. A Atriga asumirá cos seus propios medios, mediante persoal funcionario, as funcións de recadación desempeñadas polas zonas de recadación, de acordo co establecido nesa disposición.





As zonas de recadación teñen encomendada a recadación executiva das débedas correspondentes aos contribuíntes con domicilio fiscal no territorio da Comunidade Autónoma de Galicia. A Zona de Recadación de Vigo, que vai desaparecer, conta con catro efectivos a tempo completo e un máis a tempo parcial, que realiza tarefas informáticas en tres zonas máis. Mentres tanto, a Delegación da Atriga en Vigo, que vai asumir as funcións desa zona de recadación, dispón de seis efectivos e propónse incrementar a dotación con tres efectivos máis: unha xefatura de equipo e dúas xefaturas de negociado administrativo, encadradas estas dúas últimas na área funcional tributaria. As novas prazas propostas, dúas para o Departamento de Recadación e unha para reforzar as tarefas de notificación, xustifícanse por ter unha media de 7.218 dilixencias de constrinximento cargadas nos últimos catro anos, que xeraron 4.982 dilixencias de embargo e 13.737 notificacións.

2. Creación de dous postos de traballo nas delegacións da Atriga de Lugo e Ourense:

CENTRO DE DESTINO: DELEGACIÓN DE LUGO								
CÓDIGO DE POSTO	DENOMINACIÓN	NIVEL	TIPO POSTO	F. PRO	GRUPO	CAT./CORPO	ADS. ADMIN	IIÑA
FC.A29.10.000.27001.072	Xefatura de Unidade	26	N	C	A1	XSF1	AXG	9590
CENTRO DE DESTINO: DELEGACIÓN DE OURENSE								
CÓDIGO DE POSTO	DENOMINACIÓN	NIVEL	TIPO POSTO	F. PRO	GRUPO	CAT./CORPO	ADS. ADMIN	IIÑA
FC.A29.10.000.32001.089	Técnico/a Tributario/a Subgrupo A2	24	N	C	A2	XMF1	AXG	9591

O obxecto destas creacións é reforzar os departamentos de Xestión Tributaria nas delegacións máis escasas de persoal, que son Lugo e Ourense, con persoal cualificado para realizar funcións de análise e catalogación dixital da documentación presentada xunto coas autoliquidacións. Segundo se explica na memoria xustificativa, a revisión pormenorizada da documentación presentada de forma electrónica é máis laboriosa que a correspondente en papel e, ademais, os labores de comprobación requiren maior cualificación técnica, polo que está xustificada a creación destes dous postos.



## b) Amortización de dous postos de traballo de persoal funcionario:

CENTRO DE DESTINO: DELEGACIÓN DE LUGO								
CÓDIGO DE POSTO	DENOMINACIÓN	NIVEL	TIPO POSTO	F. PRO	GRUPO	CAT./CORPO	ADS. ADMIN	IIÑA
FC.A29.10.000.27001.009	Posto Base Subgrupo A1	20	N	C	A1	XSF1	AXG	350
CENTRO DE DESTINO: DELEGACIÓN DE OURENSE								
CÓDIGO DE POSTO	DENOMINACIÓN	NIVEL	TIPO POSTO	F. PRO	GRUPO	CAT./CORPO	ADS. ADMIN	IIÑA
FC.A29.10.000.32001.011	Posto Base Subgrupo A2	16	N	C	A2	XMF1	AXG	353

Para cofinanciar a creación dos dous postos de traballo creados nas delegacións da Atriga en Lugo e Ourense, propónse amortizar dous postos base da escala de finanzas: un A1, nivel 20, na Delegación de Lugo e un A2, nivel 16, na Delegación de Ourense. En ningún destes dous postos foi posible a cobertura por persoal funcionario e ambos están vacantes, o primeiro deles desde o principio de 2023 e o segundo desde o 9 de outubro do mesmo ano. Esta circunstancia implica que as amortizacións non van afectar negativamente a prestación dos servizos nas respectivas delegacións.

## c) Modificación de varios postos de traballo:

## 1. Modificación da denominación das xefaturas de negociado

Propónse que os postos coa actual denominación “xefatura de negociado” pasen a denominarse “xefatura de negociado administrativo”, en concordancia coa última modificación de RPT da Atriga, na que xa algúns deles mudaron o seu nome. Este cambio non vai afectar á ocupación actual dos postos nin ás súas características.

## 2. Modificacións da forma de provisión

Na memoria funcional, propónse que a Xefatura do Departamento de Planificación e Control Tributario (código FC.A20.00.001.15770.014) e a Xefatura do Departamento de Auditoría e Calidade (código FC.A20.00.005.15770.005) cambien a actual forma de provisión de concurso específico pola de libre designación. Con posterioridade, o día 10 de xuño de 2024 remítese á DXSAP unha memoria funcional complementaria na que se indica que, logo das reunións cos representantes sindicais, se renuncia á proposta de cambio da forma de provisión para a Xefatura do Departamento de Auditoría e Calidade, que seguirá sendo por concurso específico.





A modificación da forma de provisión da Xefatura do Departamento de Planificación e Control Tributaria, adscrito á Área de Inspección Tributaria, baséase no criterio 3 recollido nesta resolución, “especial responsabilidade por garantir o adecuado exercicio de autoridade e/ou inspección administrativa da Xunta de Galicia. A especial responsabilidade está en razón de ser garante do exercicio dos dereitos e deberes da cidadanía”, polo que resulta adecuado modificar a forma de provisión deste posto, pasando de concurso específico a libre designación.

### 3. Modificación do complemento específico

Proponse eliminar o complemento informático (código E29) ao posto Unidade de Apoio Administrativo, nivel 18, código FC.A29.10.000.36001.007, vacante por xubilación da persoa titular. Este posto pasará a ter o complemento específico xeral.

### CUARTO. Custos

Segundo consta na memoria económica remitida, esta proposta de modificación de postos de traballo ten os seguintes custos anuais:

-Creacións: 236.083,26 €.

-Amortizacións e crédito procedente do complemento suprimido: 82.156,80 €.

Da diferenza entre estes dous apartados resulta un déficit de -153.926,46 €, que está previsto financiar co aforro xerado pola asunción das competencias das zonas de recadación ao ir diminuindo o gasto imputable a premios de cobranza na aplicación 07 A2 621A 227.08. O aforro en cómputo anual da asunción das competencias das zonas de recadación da Coruña, Lugo, Ourense e Vigo ascendería a 1.817.591,39 €, co que financiaría o déficit antes citado.

A dita memoria económica deberá de ser obxecto de valoración por parte da Dirección Xeral de Orzamentos e Financiamento Autonómico da Consellería de Facenda e Administración Pública.



Por todo o anterior, desde a Dirección Xeral de Simplificación Administrativa e do Patrimonio, emítese **informe favorable** acerca da proposta de modificación da relación de postos de traballo da Axencia Tributaria de Galicia.

Este informe substitúe o emitido por este centro directivo sobre o mesmo asunto o 12 de xuño de 2024.

O director xeral de Simplificación Administrativa e do Patrimonio

José María Barreiro Díaz

DIRECCIÓN DA AXENCIA TRIBUTARIA DE GALICIA. CONSELLERÍA DE FACENDA E ADMINISTRACIÓN PÚBLICA

CONSELLERÍA DE FACENDA E  
ADMINISTRACIÓN PÚBLICA  
Edifícios administrativos - San Caetano s/n  
15781 Santiago de Compostela  
[www.conselleriadefacenda.es](http://www.conselleriadefacenda.es)

Páxina 6 de 6

